

西域輿地三種彙刻

西漢書上卷

西域輿地三神彙刻

上海古籍書店影印

一册 定价三·五〇元

光四·一·三〇〇·

七八·十二

西域輿地三種彙刻序

光緒壬寅之冬十有二月

崇立

省

嚴君於長安趨庭授簡以

西域輿地圖表文牘賜示

崇立

敬拜受而讀之書皆叢稿出鈔

胥手文字訛奪漫漶謹藏篋中一時未及釐定也越四年丙午

崇立

供職中書閒曹無事閉戶發陳編京朝二三耆學君子相

與商榷慇懃付刻乃分別部居編校寫定爲書三卷曰喀什噶

爾至墨克道里記一卷曰帕米爾山水道里記一卷曰新疆勘

界公牘彙鈔一卷更附以圖表曰帕米爾形勢界畫道里圖曰

新疆西藏西北邊隅疆界圖曰喇斯庫穆等處形勢圖表其年

秋七月殺青既竟乃敬序曰周禮識方氏大司徒所掌天下土地之圖若夏書之禹貢若爾雅之釋地若山海經皆一代典志之書昔先王疆理天下體國經野大經大法胥具焉後世之言輿地者於沿革形勢險要兵謀罔弗畢載若蕭何入關收秦圖籍得知阨塞以定天下是也無有及外交者外交以春秋爲最繁其關係疆域者若齊歸汶陽晉訟溫田戰國時之割地請和然皆犬牙相錯不越侯甸未及要荒自古主中國而拓地至廣者莫如蒙元北極鄂羅斯西滅五印度名王酋長組繫宇下兵力所被幾於尺土一民莫不隸屬無所謂與國外交也夫幅員

至廣外交至繁此疆彼界關係至鉅者莫如

本朝

神武繼軌威眇天下四征不庭東起醫無間西盡西王母北暨
外蒙古南至日南交趾聲教所被莫不陸讐水慄奔走來賓四
表無塵垂二百載太平旣久文法滋敝中朝大官狃於故習坐
擁高位苟且偷安邊陲屏翰門戶之重乃委之冗闌私暱之人
以地僻爲易治以民弱爲易愚食租衣稅循例待遷而邊防軍
政一切敗壞於酣嬉荒佚之中內隳民志外啟戎心一旦變生
卽起則已魚爛不可補苴矣天道五百年而大變運會所趨風

雲變色流沙弱水萬古積雪蠻煙瘴雨之鄉炎山冰海之域自古舟車所不通人力所不到者歐西鑿空探險之流東馬懸車若履堂闔昔之視爲荒遠不毛者今乃以爲神皋沃壤萬族耽耽窺我堂奧批亢拊背得寸進尺我之山川阨塞潮礁沙綫彼且繪之爲圖著之爲說若聚米索驥不爽銖黍一遇交涉廷臣不問疆吏不知如薩哈連島本三姓屬也不知幾何時入於俄而黑龍外之五千里繼之矣緬越定界而誤畫土司以界法矣帕米爾本伊犁邊地嘉慶會典圖乃畫之卡倫之外矣英索野人山而我執政不審其所在遂啟彼狡謀矣華離戎索茫昧弗

稽剝膚之痛而以爲癰疥之疾日蹙百里皆不學無術之庸臣
誤之也當同治間 嚴君從 左文襄公西征回疆底定留爲
劉襄勤公掌書記適有中俄勘界之役帕米爾尤爲重要遴
選員弁分道勘察繪圖列說上之幕府 嚴君因命書傭錄爲
副本備參攷焉新疆隸屬之民以數十種計要以纏頭爲大部
落纏頭者回種之不雅髮不辨者也回族宗天方教歲朝其教
祖摩罕默德者以干計幕在阿刺伯之麥加濱紅海爲亞洲至
歐斐二洲交通之孔道西人來東東率經印度洋無遵陸由此道
者惟回族往來者躡趾相錯他日東西鐵道可循此塗徑爲地

球中軸之幹路南不必道太平洋則英失其南洋羣島之龍斷
北不必繞西伯利亞則俄失其中亞細亞之地險吾知五洲之
人必以爲至便誠世界大同之盛軌矣喀什噶爾至墨克道里
記舊係回字譯以中文不著作者姓名蓋出彼族之手今釐正
其訛譌刪其繁複去其文之不雅馴者至其神怪荒邈之說乃
異族宗教之習尙今仍其舊藉以攷其風俗焉新疆勘界諸文
牘圖說大半出知州海君字蘭洲
佚其名之手當行省初建百度草創
邊陲僻遠軍事倥傯既乏精測繪諳形勢悉外交之僚吏探察
之後未遑咨會俄吏覆勘界碑條約均未訂立因循至今幾成

甌脫圖牘之存諸檔冊者且不完備大半散佚原稿爲海君持去亦未及編纂刊存 嚴君收拾於叢殘之餘時閱十年疆吏

屢易當時在事之人更不可考求矣今以專考帕米爾者別訂

爲帕米爾山水道里記其分勘新疆各邊隅者編爲新疆勘界

公牘彙鈔簡書官牘惟取明通體裁仍舊不復銓次三書彙編

爲一總目之曰西域三種彙刻近人番周李光廷漢西域圖考西境直至大西洋漢時大秦貢

界於此墨克尙在大西洋以東爲輿圖三幅則屬同縣文舜詢

孝廉曷以算法縮小約四之一重繪精圖尤有青出於藍之妙

他山之助利勝斷金原說及表悉仍其舊增著圖後以銅版印

行雖非完全之書實可與許竹簣侍郎

景澄

之帕米爾圖說洪

文卿侍郎

鈞

之中俄交界圖及西人游帕諸記參考互證足資

談帕地勘界務之一助

嚴君於拾遺補闕之中收分率準望

之益山川能說有合於古世大夫九能之一端而於周禮所謂

周知地域廣輪山林川澤道路與辨其邦國都鄙八蠻七閩九

貉五戎六狄之人民利害者悉有當焉禮失而求諸野其有裨

乎安擾廢置或副在司會書契版圖之貳與小子不才而蛾術

罔懈異時蒐集官私紀載補綴而脩飾之上以俟輶軒采薇之

選下以述作室肯堂之志旁以訊世之考方輿治國聞者亦匹



夫之賤與有責焉爾光緒丙午秋七月長沙徐崇立序於京師
之盍簪行館

知幾齋藏書

喀什噶爾至

墨克道里記

山陰魏穢



喀什噶爾邊墨克道里記

長沙徐崇立校刊

一由喀什噶爾騎馬西行出明瑞卡五日至中俄交界之依爾

克什坦再西行過窩什

卽鄂什

及費爾干至浩罕計十日程再

西北行十日至賽滿爾罕由此乘火車向西行鐵路經布喀

爾

卽札布

邊境計五十七小時至烏攷阿塔由此登輪船渡克

斯辟海仍西行十八小時至巴庫登岸復換火車西北行十

六小時至帖比里斯

有城周廣十餘里

再西行十八小時至巴托木

以上均俄屬地巴托木有城依黑海口出此駛輪船向西南
行九十二小時至土耳其國都城由此再西南行轉而東南

渡地中海漸入紅海十三晝夜至土屬沮得有城池相傳城
內自開闢時有人皇之母墳在焉又由土耳其都城分路駛
輪船亦東南轉而西南行經地中海百十二小時至土屬斯
孔得利耶登陸坐火車南行十二小時至斯靄斯復由此入
紅海駛輪船向東南行九十二小時至土屬沮得由此登岸
東行兩日卽抵墨克

卽麥克

一由喀什噶爾騎馬西北行出圖舒克塔什卡六日至中俄交

界之圖魯阿提達坂

卽圖魯噶爾特

崇正教紀文達

再北

行四日至俄屬納林河

卽納林橋

再西行十九日至俄屬塔什干

閱微草堂筆記達坂譯言山嶺